

南潯志卷三十一

里人周慶雲纂

農桑二

收蠶 縣志清明後穀雨前用舊絮包種六七日或以帕裹之置熏籠一宿謂之打包天暝則置之牀上天寒則抱於胸前宜老翁老婦任之取其溫和適中也 育蠶要旨看布種其子變綠謂之戰色俟全綠即可收三朝後當將種鋪開在向陽處如陰雨或在牀上或在竈上以暖處爲佳待其脫殼採花葉少許 俗名即野薔薇葉去梗刺燭燥研末其香無比用麻布篩篩在種上 蠶得此則候一箇時辰用食鍋抹乾 金漆大盤亦可將鷺毛輕輕刷攏收於鍋內更用小圓竹器鋪舊糠灰一層

南潯志

卷三十一

農桑二

一

雜以石上襯以紙即放蠶於器中上用切細嫩葉薄糝 收下灰亦可宜切細初眠後可蠶二眠後用葉片出火後用了頭葉 蠶即能食凡收下未曾食葉即一二日不飼不致餓壞倘喫葉些些以後稍饑即斷絲腸矣放在暖處謂之冷看須六七周初眠倘用火較速用火者蠶器攔架上藏牀中火爐燒炭整一箇 俗稱炭基用灰蓋好置架下不得過熱蠶器亦須時時移轉葉亦頻頻糝上謂之三日三夜趕頭眠然不若冷看之妥惟遇春寒用火可免畔熟 亦作作驟俗用薔替履字並非蠶畏冷藏葉底不肯向上食葉謂之畔熟 湧幢小品其既食也乃熾炭于筐之下并其四周剉桑葉如縷者而謹食之又上下抽番晝夜巡視火不可烈葉不可缺然又不可太緩緩則有漫漶不齊之患矣編經曰蠶薦用以圍火恐其氣之散也東



結曰葉墩用以承刀惡其聲之著也是爲看火

〔遺間瑣記〕

初生之蠶俗名烏兒每重一錢

十六兩

可得出火一斤大眠

四斤並廿四兩爲中平之率

〔烏青鎮志〕葉稀卽補之烏密處

以細竹筴撥勻

蠶蠶升收蠶

諺云穀雨不藏蟲收蠶以此爲候焉擇吉日

中或以冷或以熱或以盆視所便又取刺梅花之葉綴切布其上

蠶得葉香熱者盡出乃以戲子權其輕重始飼以葉目刺

梅葉爲花葉者別於桑也郡人謂蠶房埽畢窗已糊吳鹽

收蠶爲攤烏其候較吾鄉爲早云

裏去迎狸奴良辰急向厯頭檢城中前日齊攤烏炙殘桃

葉蠕蠕動毫芒細更輸鍼孔紛紜紙上密成團四寸蠶翎

慢撚攏刷下先將小榼承細敷花葉一層層蠶孃早欲知

多少數罷還從戲上稱從此育蠶多禁忌扎闌豫防生客

南潯志

卷三十一

農桑二

二

至三寸紅箋淡墨書家家徧貼蠶天字

重恂收蠶下蠶最早惟我湖昨日前日齊攤烏厯頭日腳

今又好收蠶莫把良辰孤驚翎一雙早購置細意更有垂

髻姑囑姑開包出布種蠕蠕戢戢生意蘇紙上拂拭置筐

內攢如絲髮無細麤更教持戢較輕重胥言種最今年數

小筐紙糊潔且淨一層細葉青平鋪揮刀束砧忙復忙何

殊慈母將嬰雛

忌蠶

〔育蠶要旨〕忌蠶之說鄉人最信往往用蘆簾圍住不使

人出入稍有變端卽占卜禱祝或謂生客所衝或謂陰氣所

犯雖屬附會然在旁人知其忌蠶必須謹避庶不致歸咎也

有實係當忌者曰雨曰霧曰黃沙曰氣水葉葉久貯氣曰煙



氣曰油氣

熬熱油尤忌

曰酒氣曰穢濁氣

采桑

**〔育蠶要旨〕**

桑葉稱爲鮮貨不可多采恐其乾而蠶不欲

食則暴殄矣又不可少采或遇霧雨黃沙也

有霧甚毒雨亦不宜黃沙必洗

倘逢大雨則繩經於檐前將桑葉挂上風乾水漬或用扇揮之小蠶時只采葉片出火然後開剪如蠶多則二眠卽開剪

**〔董斯張桃源憶故人〕**采桑一庭夢雨薔薇亞穠綠描成口

夏蠶市今番來也剛直開園罷碧雲叢裏紅衫卸錯認

海棠花謝翦得半筐歸舍釵挂桑枝下

**〔董煥采桑曲〕**吳下重蠶桑采采朝復暮葦簾愛晴和溼食

忌雨霧婦姑辛勤不得眠筠籠壓背墮曼髻地狹人稠葉

垂盡騰價撐過賣葉船借得幾貫青銅錢購置飼養俱蛇

南潯志

卷三十一

農桑二

三

蜒上山作繭厚復圓縲車伊軋火晝然羣布不用一縲被

一月樓羅半顛顛絲多價賤何處賣催租人去債主至

**〔董正采桑行〕**朝采桑采桑枝暮采桑采枯枝朝采暮采不

自飽廢置櫛盪愁蠶饑辛勤圖上簇絡繹看縲絲去年東

郡蟲食稻流民牽帥逃鞭笞村村乞食餓且死桑籠雖在

誰提攜今年西村苦冰雪隴麥顛倒桑離披幸茲獲生聚

比戶天所私微陰障晴日小雨溼茅茨葦簾土銼半涼燠

敢憚操作謀荒嬉但願繭雪白絲價良不訾上輸賦稅下

艱食荷鉏共事東臬菑

**〔董蠶舟采桑〕**一片碧雲籠四野戴鵲聲中見桑者儂家有

地十畝寬半在陌頭半牆下郎憐儂是新嫁孃嬌羞尙怯



遵微行顧語小姑汝子助同向南塍采葉去宿葉未盡蠶  
未饑偷閒偶啟白板扉家家閉戶寂如水拾葑畦邊譁稚  
子綠陰陰地聞翦聲林中到處桑梯倚須臾夫壻負筥歸  
堆來滿地青玉肥只願吾蠶食葉速速采不辭勞僕僕默  
思地窄葉無多飼到上山恐不足保得安全過大眠典卻  
金釵開葉船

董恂采桑種桑須種儂屋邊儂行采桑近更便提籠朝朝  
又暮暮不須南陌還東阡日間飼蠶采猶易夜行畏露零  
涓涓良人爲我購竹筥薄暮挑取盈窗前何待更深復外  
出愛儂情重儂亦憐所愁蠶多葉復少不堪無葉偏無錢  
卻喜今朝蠶不食滿筐滿箔齊三眠拔釵付郎去稍葉天

南潯志

卷三十一

農桑二

四

明餉食難稽延

張樹培采桑曲房頭防夜有狸奴眠對燈檠照影孤忽被  
子規驚夢醒起看稀處葉重鋪桑陰如幄柳垂街匝月  
辛勤繫妾懷侵早最愁春草滑倩郎先買小蒲鞵斜風  
細雨最魂銷陌上歸來路尙遙幾樹低枝儂盡折待郎來  
取最高條

稍葉

育蠶要旨如桑地少必須買葉大眠後開葉船買葉當

用十擔先買五擔恐蠶或不佳不至餘葉且恐價有低昂也

如太昂則屑米粉糝葉以飼之

道光二十二年曾有此者

又停葉之法

亦稱住葉葉來之時先向陰地上鋪蘆蓆或竹簾葉放其上  
不可鬆亦不可過緊須將每帖豎起整齊平直清水灑之謂



之封好一周宜灑三四次可停三日或兩日臨飼蠶時將葉放鬆涼

透停處必熱否則有氣水葉蠶食即壞胡承謀府志稍葉湧幢小品

作其預立約以定價而俟蠶畢買絲以償者曰賒稍有先時

子直俟葉大而採之或臨期以有易無胥謂之現稍遣閒

瑣記蠶時往烏鎮做葉是南潯一敝俗名爲貿易實同賭博

究之得利者少失利者多有葉賤而虧本者有刻意居奇以

致過時不及售者有受市僧之欺并本錢無從追問者後人

曾不知鑒爲之不已蓋市易叢集之地便于遊蕩故樂之而

不悔也

董蠶舟稍葉

桑爲湖屬恆產直名曰葉以人人所知也而吾鄉則栽桑地狹所產僅足飼小蠶曰小葉葉莫多於石門桐鄉其牙僧則集于烏鎮三眠後買葉者以舟往謂之開葉船買賣皆曰稍吾鎮之饒裕者亦稍以

南潯志

卷三十一

農桑二

五

射利謂之作葉又曰頓葉凡葉百斤爲一擔鄆中則以二十斤爲一箇家家門外桑陰繞不

患葉稀患地少及時惟恐值尤昂苦語勸郎稍欲早我家

稍時在冬月一擔不過錢五百迨至新年數已懸蠶月頓

增至一千未到三眠忽復變一錢一斤價驟賤夫壻聞之

咎阿儂而今欲悔已無從儂笑謂郎莫爾爾吾家所失殊

無幾不見街頭作

子賀切

葉人折閱已過大半矣此曹平日

子母權計利析到秋毫顛居來奇貨不肯鬻黃金不飽貪

夫腹去有腰纏返垂囊烏戍歸來唯一哭

董恂秒葉樹桑牆下地不多蠶食不足如葉何鄰翁明日

向烏戍顧語夫壻無蹉跎葉行早晚價不一秒遲秒早宜

猜摩清明插柳妾曾卜今年平穩靡有他但願初貴後時



賤彼做葉者空婆娑當其貴時儂有葉牆陰屋角枝猗儺  
待至蠶長葉已賤葉船兩兩門前過百斤亦祇值錢百剪  
刀聲裏多歡歌

金鍾秀蠶家新樂府做桑葉昂然高坐踞牙儉賣買人多  
闔戶外忽贏忽絀權獨操伎倆時衰此其最買者未必皆  
養蠶販夫漁利殊眈眈可憐窮氓日勞苦蠶多葉貴情何  
堪吁嗟平局外閒觀徒扼腕惡習何時除壟斷

飼蠶 育蠶要旨 大約每蠶一斤廿四兩自收下至上山喫葉一  
百八十斤十五兩此上上蠶也稍平者不到此數小蠶時只  
采葉片出火然後開剪

溫日鑑飼蠶行桑扈初鳴麥花落家家閉戶事蠶箔鄉村

南潯志

卷三十一 農桑二

六

四月斷往還陌上綠雲亞髻鬢日斜不見青絲控紫甚綠  
枝醉禽弄蠶饑葉貴空執筐呼婦須鬻嫁時瑞

董蠶舟飼蠶

東枯爲墩日葉墩又曰草墩用以承刀到葉

之日夜謹飼不令稍饑饑則有斷絲腸之患出火前忌溼  
葉大眠餉後又惡太燥以潔水灑葉而飼若傷于寒則蠶  
死鬱於熱則破囊俗所謂爛吐也風雨霧霜皆足致損在飼之得宜耳

終朝斫費拊擋藁

砧束作明月樣絲絲青葉如牛毛細意聶切何辭勞浹辰  
之間眠過二眠起便將完葉飼盼到幾時纔出火連枝喂  
食無不可只愁霧雨氣鬱蒸檐前風戾懸長繩小蠶惡溼  
大宜潤手淪寒泉細噴嚙調饑未怨朝食遲生怕蠶饑甯  
我饑蠶饑便恐絲腸斷未敢片時少稽緩一宵四起黎明  
興阿母年邁猶能勝回眸一笑呼小妹鋪筐未了垂頭睡



〔董恂飼蠶〕蠶饑蠶飽不可過早起飼蠶何敢惰只愁饑後斷絲腸那顧女曉與兒餓辛勤更是小時難葉溼宜揩大宜剉盼到今朝捉大眠帶葉連枝滿簋所恨連朝風霧深照料稍疏又囊破竟晝懸宵那得閒幸是兒夫肯儂佐葉乾葉溼要關心與少與多莫相左夜間飼罷且偷閒和衣暫向牀頭臥

〔金鍾秀蠶家新樂府〕關蠶門〔吳鹽聘取狸奴歸家家紅帖糊柴扉此時最忌是生客惜惜村落行人稀行人稀無剝啄門內蠶嬾忙碌碌朝朝暮暮不出門容易縲車動茅屋噫嘻吁新絲做得百兩無又聽打門追宿逋

頭眠

〔育蠶要旨〕蛻殼時不食不動名曰眠初眠雖係學眠究

南唐志

卷三十一

農桑二

七

欲其齊朝見眠頭而夕定繭夕見眠頭而朝定繭其蠶必佳

眠頭欲眠者數十箇也定繭無不眠也雖屬好蠶終不免有青條

俗謂頭眠頭頂沙

頭戴蠶沙矢

二眠蠶挖蠶然猶不足憑唯看其蠶色放白蠶身長大旺葉

以後漸漸色黃收身褪葉嘴尖有黑二殼此將眠之候也葉

不可多采

每眠並同

不眠者謂之青條定繭後用礬糠灰糝於面

上再用葉片剪開貼在繭上其青自來謂之引青捉之自盡

不可過遲遲則有起蟻二眠出火多不齊矣

又將蠶繭細細拆開再用散石灰同

礬糠灰拌勻糝於面上或日光中或火爐上稍稍溫暖令蠶

繭乾燥眠亦易起否則起蟻食葉不齊也〔胡府志〕蠶將眠

不勤食曰紅嬾思

〔吳興蠶書〕結嘴停食曰眠蛻膚向食曰

起時寒則遲時溫則早此天爲之也冷看則遲熱看則早此



人爲之也。〔烏青鎮志〕初眠仍以竹筴細細分開去其殘葉，不致傷于溼熱。

〔董蠶舟捉眠〕

蠶食三四日而眠，眠一二日而起，是爲初眠。俗曰頭眠。自初眠二眠至三眠，約半月三眠。

日出火出火後再眠曰大眠。將眠則食不勤，曰紅攪絲。又有青攪絲，言吐絲也。亦作嬾思，言嬾而思眠也。他眠而此猶食曰食嬾，亦稱青條眠。起曰嬾思欲眠，猶未眠。青紅攪起，嬾眠則擿置他器曰捉眠。頭嬾思欲眠，猶未眠。青紅攪

出絲纏絲貯餘筐簾勤拂拭。一一移置當窗前，或食或眠難畫一。先後相差無半日，擿此未徧彼已眠。兩手拮据不遑息，傾耳沙沙聲漸小。知是筐中食嬾少，眠頭欲盡又怯寒。捉罷更將帷帟繞，深夜捉眠多苦辛。妾容無復桃李春，三眠四眠蠶易老。鏡裏紅顏豈常好。

〔董恂捉眠〕二眠四眠種各異，欲眠不眠攪絲未。小姑纔向

南潯志

卷三十一

農桑二

八

筐箔看道是今番，不須飼紛紛。多見紅嬾思，只在黃昏眠。可遲縱有食嬾也，不多緣枝求葉無。三四囑姑慎勿貪戲，頑晚餐端整炊蔬食。大家飽飯腹不饑，捉眠好盡今宵事。已眠未眠一一分，曲植簾筐忙位置。手中碌碌猶不閒，早見朝曦小窗至。

餉食

〔青蠶要旨〕初眠以後約一周或半周

量天時之寒熱

看繭上有

白絲如絲謂之楊花繭。然後可以餉食，或看其嘴上始白漸黃，終至稍黑亦可餉食。總以眠頭盡起爲度，恐其早晚不齊

也。

〔遺閒瑣記〕

凡眠起餉食如起嬾不甚齊，不妨稍遲以俟。

其齊俗謂之熬。

按餉式亮切俗誤讀餉如向乃以餉食爲送食非也。

〔廣蠶桑說〕眠一

次則嘴闊一次衣寬一次布葉太早恐嘴已闊而衣未盡脫。



者亦食之則腹大而未脫之衣脫不下矣

〔董蠶舟餉蠶〕

眠起始食曰餉食倍于前衡之重亦逾倍者里語謂之餉得起反是日餉不起食盡曰葉

過因語忌而更也

〔眠頭捉罷夜未央〕遠遠一覺投匡牀筐中枕畔

兩同夢良人呼起將三商飛蓬雙鬢久罷櫛今朝偶到妝臺傍梳頭未半娣姒喚可是筐中有起孃女兒女兒新睡起雪色肌膚倍肥美此時飼之勿太亟少緩須臾乃餉食俄頃葉過惟留莖到耳一片風雨聲蠶身日長上蓬日分昔時一斤今五斤

〔董恂餉蠶〕吾鄉育蠶以斤據不以城中筐數論一斤出火

至大眠稱得五斤已無恨今歲儂家喜氣多卻於此數更有進蠶眠已過一晝夜餉食須教者時趁大婦提筐采葉

南潯志

卷三十一

農桑二

九

歸小姑提甕汲水潤密堆層疊筐邊中一色綠雲最嬌嫩到耳欣聞切切聲纔得須臾食已罄傾籃倒籠從頭添敢令遲延致饑困

二眠

〔育蠶要旨〕看眠頭如頭眠法惟餉食不比頭眠及出火

不可過熬

大眠餉食稍嫩亦不妨

大凡天氣寒暖調勻收蠶至上山一

月爲期初眠七周二眠四周出火四周大眠四周上山七周其中有餉食數周故時候如此但隨天時爲轉移當七周五周亦可當四周三周亦可過月者無是蠶也外三眠子無出火只有大眠其時較速更有頭二蠶雖是四眠比尋常四眠稍早其子即可育二蠶

杭州山中井有三蠶四蠶五蠶然不似吾湖育蠶沿門闔境也

〔西〕

吳蠶略二眠退皮長二分許黑色退而漸白食葉聲亦稍大



出火

育蠶要旨看眠頭如上法見眠半周後必即用葉片引

青倘天熱尤不可遲

恐其有起蟻也

初二眠折蟻即當燥蟻出火則

眠齊後徑將眠頭捉出其蟻棄之乃用秤權之

近時廿四兩秤

其捉

若干將簾用礬糠灰鋪底置蠶于中每簾或三斤四斤皆可

上用散石灰稍稍糝之鄉人謂之供俟有起蟻即用蟻子預

先曬乾拆開放在面上起蟻不至沸騰如天陰用稻柴剪斷

亦可起齊後方可餉食如蠶少買出火須擇其絲緒纏絲者

爲上

西吳蠶略長約三分映光照之頭作碧色乃出火之

候起齊後方可布葉聲如小雨

烏青鎮志出火後不事竹

筍用手一一取下秤定分攤筐中又有復生小蠶者爲長

上聲

蟻遺閒瑣記舊法小蠶用火至三眠去之故名出火近多

南潯志

卷三十一

農桑二

十

不用火而出火之名仍相沿不改蠶多則論斤鬻之少則買

之俗曰撥出火蠶出火後始有長蟻至上山時亦隨母作小

繭

虞兆澹天香樓偶得俗以第三眠爲出火不列諸眠之

中因以末眠并頭二眠爲三眠三起實則四眠四起也

金鍾秀蠶事新樂府賣出火一眠再眠蠶漸粗十株五株

葉漸疎時當出火葉已盡眼看蠶饑心不忍買葉旣無錢

蠶死尤可憐賣蠶一半來街前以之買葉蠶兩全嗚呼養

得蠶多收豈寡君不見今年芒神圖上三姑把

大眠

育蠶要旨蠶至大眠好歹已定一半好者眠中齊集稍

有青條蠶身均勻並無大小其色青白若一周外尙不眠青

條無數布漆甚多其面必當棄之凡出火一斤得大眠四斤



爲四斤捉得五斤則爲五斤捉看眠頭如前法惟餉食時候  
比出火可早食葉可灑水氣水葉終不可喫〔遺閒瑣記〕末眠爲大

眠卽大起也此時尤須勤蕪〔廣蠶桑說〕大眠起後食葉愈  
速能一晝夜食葉十餘次則五晝夜卽老矣能多食數次更  
好蓋此時多食一口葉則上山多吐一口絲故唯恐其食之  
少

蕪括 宵蠶要旨蠶性喜溫而又惡溼熱故必蕪括蕪必剝去  
底下一層不使溼熱薰蒸括則取其面上一層而蕪中猶有  
蠶在內必當搜剔淨盡倘有蠶爛白肚空頭等蠶棄之無遺故無論寒暖每日

宜蕪括一回而出火及大眠時爲尤要更有救逆之法如爛  
肚傷熱吐水白肚二種氣空頭小蠶時失布漆身有黑斑點

南潯志 卷三十一 農桑二

士

必須勤蕪方不傳染如殭蠶傷冷瘍癢不上葉生種可噴燒  
酒或甘草水又法以馬毛鋪在蠶器內可免諸病倘大眠後  
放地蠶不必蕪括〔湧幢小品〕大起則蕪蕪則分箔蕪早則  
足傷而絲不光瑩蕪遲則氣蒸而蠶多溼疾

〔董蠶舟出〕葉過後枝莖難蠶矢充積筐中蠶棲其上久  
於葉上乃舉網而出之移置他器曰出蕪筐中之枝莖大  
及蠶矢謂之蕪子俗呼蠶沙拉圾以壅地則桑倍肥〔大  
起已後食倍加須臾止腹枝槎枒枝間遺矢更狼藉積來

箔底何紛拏滓穢叢殘待捐棄始可再將新葉飼更欲移  
蠶置別筐一一拮拾談何易惟將罍罍上張網中層疊  
敷柔桑蠶從網下來就食一網舉之誠善策枯莖蕪出芻  
狗陳明日晨炊可代薪豈徒繫下供所乏更得草入土化



法亭亭如蓋桑陰遮得氣全賴壅蠶沙

董恂出薤葉栽如縷蠶猶小葉細無餘薤亦少自從出火過三眠大葉粗枝似芻蕘須與葉過只留枝倘教檢取亦難了卻將絲網置筐中一網出之計誠好枝空留作蠶材供細沙肥沃宜桑稻鄉人勤苦棄物無能供所需便堪寶最憐竭蹶一月餘徒說山頭如雪皎待到絲成絲白時唯此區區可相保

鋪地 育蠶要旨大眠餉食一周可放地蠶但著地必鋪石灰及草柴柴多方免寒濕及蛇蟲 胡府志藉蘆蓆而散蠶其上 吳興蠶書遇天時潮悶宜取乾茅草切細勻撒蠶面上飼以葉可以隔其熏蒸也

南潯志

卷三十一

農桑二

三

董蠶舟鋪地 育蠶多而盛蠶器具少者大眠後鋪蘆蓆於地置蠶其上謂之下地蠶郡中及他方盡然吾鄉則十家中無二三也 田火五日大眠過吾家蠶具備唯濱太湖諸村與郡中同 未多區區筐曲盛不足籌量無計將如何打頭賴有三間屋几榻不妨盡度閣埽地平將蘆蓆鋪暫借坤靈作蠶簇僅餘臥室在東箱上羅箱篋下支牀此際已難居八口來歲小兒又娶婦只願蠶花收倍豐不愁明年無處容別築新居高百堵華堂卽是鋪蠶所

董恂鋪地今年大眠十倍捉蠶具翻嫌置未足具少蠶多可奈何幸得儂家富於屋房軒用當箔與筐埽除苦乏僮和僕溪賴青紅兒女多一握稻柴如帚縛各自東西灑埽忙蘆蓆平鋪卽蠶箔只教有地可著蠶遑計此身偏跼促



況是蠶多食亦多堆葉還須讓屋角臥牀亦撒挂梁間倘要安眠待蠶熟

搭山棚 育蠶要旨空屋一間要乾燥通風離地約四尺高中用數根木橫住上鋪蘆簾簾上有帚頭立起蠶安其上卽爲上山 遺問瑣記山棚宜寬蠶多棚小則同功繭必多 吳興蠶書又宜暗老蠶見亮光輒遊走無定不卽裹身蠶上齊後所有窗戶悉宜遮掩蠶之成繭不能無所依傍故棚上須立草帚

董蠶舟搭山棚 室中架竹木高五六尺布蘆簾圍草薦列廣狹削木如其長廣一尺餘厚五之一四足如杙子狀謂之山棚凳用省架木之勞府志云去蘆簾尺許以細竹結爲方孔用以架草謂之大眠餉食蠶多老料理山棚須及早之花格竹吾鄉所無

盡將家具度梁間慚愧儂家屋較小架木倚竹結構牢去地未及一仞高布以蘆簾平似砥草薦三面圍周遭上蠶帚頭下擦火棚底倚僂往來可何須更列花格竹不致欹傾亦已足經營拚費一宵功切誠兒曹毋欲速鄰家家富貧安閒新製雙凳厚且堅因斯結縛遂草草棚倒覆火蠶被難我家力不能辦此無恃乃得常無患 平山棚歲歲安如山

董恂搭山棚 蠶老須置山上頭搭山縛棚屋四周中央巨竹橫又縱上鋪蘆席如平疇高低結束事繭了忽聽笑語談湖州不知花格竹何取工夫破費真無謀豈如儂家最省便一般作繭無他愁上安蠶帚下灼火也如戶牖同網



繆只憐屋低立難直終朝棚底行偃僂但願今番得大熟  
明年起屋高於樓

架草 **育蠶要旨** 帚頭之形與筲帚倒轉相似要灑得開立得  
穩不至眠山 **湧幢小品** 作繭用柴帚以禾草爲之長尺有  
咫大可一握散布登蠶其上有至二三重者

董蠶舟架草 截禾稈長二尺許大可一握散其兩頭剉切  
平之繩束其中列置山棚上使蠶憑以作繭  
名曰帚頭冬春間東作未興或風雨長夜預取枯藁縛  
束剉斫謂之斫蠶忙柴有惜者至以高價購諸鄰人云 禾  
稈一握二尺高縛作帚狀繩束腰兩頭剉切平若砥礪立  
豈復愁傾搖架構山棚已就緒左右前後排以序斜斜整  
整密於林犬牙出入相撐拄去歲豐收饒稻黠結來草堵  
如高崖冬春白米已上固乘閒先斫蠶忙柴不憚勞勞到

南潯志

卷三十一

農桑二

西

深夜閒時肯忙忙得暇今朝用去尙有餘賣向鄰村博高  
價

董恂架草去年田熟多收稻清白枝枝不枯槁先留今歲  
蠶忙柴幸是藏多不嫌少須教平截一樣齊二尺許長乃  
正好每草一握中束之散其兩頭計亦巧不疏不密置山  
頭不高不低互相繞簾上先教次第排那容歆側愁傾倒  
日來寢食竟無閒架草搭棚事難了聞說鄰家繭已成來  
歲收蠶也宜早

上山

**育蠶要旨** 將上山則有考孃

考或作巧

色黃收身不欲食葉

與欲眠同而沸騰不已周身通明與欲眠異

倘通明而無絲腸又是空頭由

於小蠶時餓也小蠶不可失

或云蠶沙入水浮亦欲上山也



上號好蠶上山後卽做半周卽如白雪謂之裏身一周有聲  
兩周無聲在內細作人不可動四周做好方可採取如上山  
不做繭必是爛死殭蠶及白肚見有兩周後尙不做者卽當  
輕輕拾去不可使其壞在帚上有礙好繭也 湧幢小品大  
起六七日爲熟巧爲登簇巧以葉蓋曰貼巧驗其猶食者也  
簇以藁覆曰冒山濟其不及者也

蠶繭舟上山

蠶將熟脰節瑩徹吐絲繚繞謂之繚孃於是  
撒置山棚上曰上山一二日間皆作繭矣郡

中上山後往往有白蠶之災所見之地蠶繭一空故擊鉦鼓以驅之吾鄉則無是也繚孃不眠亦不

食脰節通明無葉色撒向帚頭俾作繭早晚不過一二日

盤盂一一各分盛盡喚家人來并力儼似迴風舞六花飛

空齊向山頭擲日未過哺事已竣久勞得逸翻欠伸棚邊

南潯志

卷三十一

農桑二

五

席地聊假寐膏騰睡思濃於雲何事鄰人競奔走伐鼓撻  
金疑逐寇婦女駭詫兒童藏其說弁山來白蠶聞言瞿然  
遽驚起浸階明月涼如水夢想顛倒乃若是一笑吾鄉本  
無此

董恂上山縛棚初就蠶都熟已見繚孃滿蠶箔合家飽食  
趁朝閒摒擋今朝蠶上簇小兒捉蠶盛向盤大兒上蠶據  
山角取蠶散布蠶草間疏疏密密山頭蠶今年蠶好勝往  
年卻苦山棚限于屋上山已罷暫休息棚底相偕坐瑟縮  
小姑作勞倦不支看山卽向山旁宿關心忽憶嫁衣裳軋  
軋聲驚眠不足

金鍾秀蠶事新樂府望山頭手攜一榼來殷勤小姑大婦



歡迎門牽衣其至簇山下大家吉語相溫存爲言瓦卦今年卜廿四分收意良足明朝當賽馬頭神款留一醉老瓦盆

擦火

〔育蠶要旨〕山下著火一周用炭火甚旺

〔遺閒瑣記〕南

潯去城七十里耳城中曰養蠶南潯曰看蠶其名已異又城中蠶以筐計葉以箇計南潯則並以斤計而育蠶風氣不同之處甚多卽如山頭草帚城中以稻草屈而扭之兩頭向下其形下大上小南潯稻草不屈束腰偏下其形上大下小又棚下擦火城中必蓋以灰不欲其過熱南潯則必吹使極熾蓋城中作肥絲南潯作細絲各有所宜也又有冷種不必用火

〔湧幢小品〕湖郡每蠶忙時必有小鳥連叫曰灼山看火

南潯志

卷三十一

農桑二

六

其聲清澈可聽蠶畢則止蠶室暖育者倦極常有火患

〔烏

青鎮志〕燕炭山棚下曰擦火

〔廣韻〕擦桑割七曷二切

使熱上升則乘此

縈絲作繭不停口而盡出腹中所有矣

〔董蠶舟〕擦火

上山後遇輕陰薄寒卽燕炭於山棚下蠶喜

日灼山府志云先是有鳥鳴如曰葉貴了至是

〔棚底〕輝輝

又鳴曰灼山看火意似相警者吾鄉亦有之

燭火爛老瓦盆中熾薪炭更番守視不遑安自明至昏又

達旦性愛溫和怯寒洎要得微陽相嫗煦煥氣掀騰舉體

熱乙乙抽毫絲不絕靜中似聽唧唧聲山頭作繭半已成

去歲連旬不開霽市中炭值頓翔貴今年天氣猶暄和差

喜所用猶無多祇恐周防稍怠慢祝融回祿能爲患東家

戕戕好堂宇可憐一炬成焦土樹杪禽言如警我請君灼



山須看火

董恂擦火山前山後聞鳥聲灼山看火作意鳴蠶性愛暖要火力紛紛薪炭盆中盛山頭繭密白似雪山下火烈同光明繭聲唧唧響不絕祇覺暖氣周掀騰全家聚坐其間話門外忽爾喧囂生東家擦火失防檢不幸飛燄延柴荆四鄰奔救咸歎息可憐一炬無餘贏歸來舉室共相戒慎勿貪睡當兢兢

回山

育蠶要旨如用火三周回山不用火四周回山不動不

如少人做絲可

遲一周回也每出火一斤收繭五斤爲五分十斤爲十分

稱繭

廿四兩秤

或八斤或七斤爲一弔

不可再少恐做絲單薄無神氣也

兩弔可

做絲一車必須安放簾內令其涼爽毛繭易蒸恐其出蛾也

南潯志

卷三十一

農桑二

七

吳興蠶書嘗取四眠蠶之眠頭與繭細較之出火蠶一兩約計二百五十六七箇大眠蠶一兩約計六十三四箇是出火長至大眠實增四之三好蠶每兩計二十二三箇次者計二十六七箇是一兩大眠箇箇成蠶好者應得三兩次者應得二兩六七錢俗以蠶一斤得繭二斤爲對花猶屬八折算也採齊秤準庶知一歲蠶事之豐歉湧幢小品三日而闢戶曰亮山五日而去藉曰除托七日而採繭爲落山烏青鎮志過三日撤火開戶去蔽令風燥透繭易于繰絲否則類多難繰而虧折寡斤兩矣

董蠶舟回山

上山七日後采繭曰回山縣志云大起時稱得六斤爲一筐每筐收繭一斤爲一分以十二分爲中平過則得利不及則失利吾里則以出火一斤得繭一斤爲一分遞增至六七分爲中平十二分爲上上

得繭

一斤爲一分遞增至六七分爲中平十二分爲上上